

FRÉTTABRÉF

GRUNNSKÓLA HORNAFJARÐAR

Gleðilegt nýtt ár kæru nemendur,
foreldrar og forráðamenn.

Um leið og starfsfólk
Grunnskóla Hornafjarðar
þakkar fyrir gott samstarf á liðnu
ári þá hlökkum við til samstarfsins
á árinu 2023.

Gott samstarf heimilis og skóla
skilar sér ávallt í betri líðan og
betra gengi hjá nemandanum.

Saman gerum við skólann okkar
að besta skólanum.



BÓNDADAGURINN

20. janúar er bóndagurinn og að venju fá þeir sem
hafa áhuga og treysta sér til að hlaupa í kringum
skólann og bjóða þorra velkomin. Í Sögu daganna
eftir Árna Björnsson þjóðháttufræðings segir um
þennan gamla sið:

„Áttu þeir að fara ofan og út í skyrtunni einni, vera
bæði berlæraðir og berfættir, en fara í aðra brók-
arskálmina og láta hina svo lafa eða draga hana
eftir sér á öðrum fæti, ganga svo til dyra, ljúka upp
bæjarhurðinni hoppa á öðrum fæti í kringum all-
an bæinn, draga eftir sér brókina á hinum og
bjóða þorra velkominn í garð eða til húsa.“

Við höfum ekki farið svo strangt í
þetta en árið 2004 birtist þessi frétt
í Morgunblaðinu.

https://www.mbl.is/frettir/innlent/2004/01/23/thorri_bodinn_velkomin_n_ad_gomlum_sid/



Dansvika

Hin árlega dansvika verður í skólanum 23. - 27. janúar næstkomandi. Þá kemur Jón Pétur til okkar og kennir öllum nemendum í 1. - 7. bekk dans og einnig þeim nemendum í 8. - 10. bekk sem þess óska. Föstudaginn 27. janúar verður danssýning í íþróttahúsinu kl. 12:30 og er foreldrum og öðrum aðstandendum boðið á hana. Fimmtudagskvöldið 26. janúar verður dansleikur í Sindrabæ fyrir 8. - 10. bekk og er foreldrum boðið á fyrri hluta dansleiksins. Þá mun Jón Pétur stýra dansi þar sem nemendur verða hvattir til að bjóða foreldrum sínum í dans.



Netsáttmáli

Á vefslóðinni hér til hægri er hægt að komast inn á netsáttmálann. Þar geta foreldrar sótt fræðslu er varðar samskipti á netinu inni á heimilinu ofl. Markmið fræðslunnar er að gera sér grein fyrir sem foreldri:

- Jákvæð miðlanotkun.
- Breytingar og áhrif netsins á börn
- Foreldrar sem fyrirmyndir á netinu
- Að tala saman á netinu
- Hjálp í erfiðum aðstæðum á netinu og í lífinu

Snjall spjall

Flest börn og unglingar notast við einhverskonar spjallforrit í tölvum og sínum til að spjalla við fjölskyldu, vini og kunningja. Þetta kemur að miklu leyti í stað símaskilaboða, sms, sem kosta oftast peninga. Grunnskólinn er að fara í samtal við nemendum um ábyrga netnotkun og að nemendur setji niður viðmið um hvernig má eiga gott spjall á netinu. Þessu verður fylgt eftir með fyrirlestrum varðandi ábyrga netnotkun og ábyrg samskipti með vorinu.

<https://www.saft.is/>



Æskilegur svefntími fyrir hvert aldursskeið

